

آبونه س تبدیلنده ایریجه
• غروش کوندرملیدر •

مکتوبلرک امضاری واضح
واوقوناللی اولسی و آبونه
صره نومروسی محتوی
بولونمسی لازمدر

ممالک اجنبیه ایچون آبونه
اولانلرک آدرسلرینک
فرانسجه یازلسی رجا اولنور.

پاره کوندردلیکی زمان نهیه
داثر اولدینی بیلدیرلسی
رجا اولنور

الکشاف

آبونه شرائطی : هریر ایچول
سنه لکی (۴۰۰) آلتی آیلنی
(۲۲۵) ، ممالک اجنبیه ایچون
سنه لکی (۴۵۰) ، آلتی آیلنی
(۲۵۰) غروشدر.

نسخه سی ۷,۵ غروشدر .
سنه لکی ۵۰ عدددر .

اداره خانه : باب عالی جاده سنده
رشید افندی خائنده

اخطارات
آبونه بدلی پشیندر .

مسکه موافق آثار مع المنونیه
قبول اولنور . درج ایدله یین
یازیلر اعاده اولماز .

یوز الی ملیون لیرا ویرمیش اولمازی یز؟ خزینه یه اون بش ملیون لیرا کیره جک دینه تروت ملیه مزی اجابه داغتمده نه محسنت وار؟ بوحاک دوامی بادی اضمحلاز اولوردی. کویلیلریزک رفاهنه صرف ایدلسی لازم کلن تروت ملیه مزی ایچکی یه ویرله مزی.

قابلی شیشه لده راق صاعقه مساعدده ایتک عشرت استعمالنه رسماً جواز ویرمکدر. تبعه سنی سرخوش ایدن حکومت زنکی اولاماز. سنه لدربری باره مزی چکن روم بقالاری یونان ار وسنه کیسه لری آجدقاری وقت بزم ایچکی یه ویردیکن باره لردن بریکدیکن یردکاری تروتی اغانه اوله رق ویرییورلردی. آواروفک هر چیویسی بر متاقسا قونیای شیشه سندن حصوله کلشدر و یونان اردوسنک تفککی، طاقنی ویرن وسنه لرحه مبارک وطنمزه بوخاش دشمن اردوسنی بسله یز روملر بزدن قزاندقاری ایچکی پاراسیله امللریک حصوله کلشنه چالیشدیلر. لکن بو محترم قانون اولری اوبیوک واردادن محروم برافدقن صوکره ملتیزک عزمی قارشیسندن اولکهمزی ترک ایدوب قاچقه مجبور اولدیلر آناتولی ظفاری اصلاً میخانه جی اولان یونانیلره ایچکی باره سی ویرمه مکله تأمین ایدلدی. ایشته بوندن دولای منع مسکرات قانونی «قانون مقدسدر». ایلری غزته سندن عیناً:

منع مسکرات قانونی ماسقارا ایدیله مزا

قانونه زده قالدی؟

«استانبولده راق، شراب قونیاق بولقدن وایچمکدن قولای برشی یوق! قارشی طرفک بللی باشلی برقاچ لوقطه سی، غازیوسی وارکه عیاشینک امرلری درحال وبلاتردد یرینه کتیریور. غلطه سرای قره قولنک یانی باشنده کی سواقده روس ساقیلر بزم عیش ونوشده عرض خدمت ایدیورلر. اولکی آقشام بریویوک افندی، معروف برغازینوده علی ملاه الناس قدح قیرمشدر. برچوق غازیولده برتک چای ایسته یلنرک اونی مزه لره دولقمده در.

«قانونه زده قالدی؟ قانونه بولمیی تطبیق ایمیلمیر؟ مادام که بمنع مسکرات قانونی واردر، بونی بونونه رسالطیه تطبیقه مهابشمیر استانبولک رؤسای مأموریتی ایچونه بوج ووظیفه دکلمیر؟»

بوز قورت قفاسی

ایلری غزته سنده بو هفته برقورت باشی رسمی یاپیلمش، آلتنده «صیامی» امضاسیله اوزون بر مقاله یازیلشدر. بعض فقره لری عیناً نقل ایدیورز:

«ارکنه قونک مغلوبیتندن صوکره بر تورک اویماغنه یول آچان دمیر و بویولدن ایلک چکن بوز قورت اوتهدن بزم آرمانز دکلیدر؟ اسنی تورک بکترینک و خاقانلریک بایراقلرنده مطلقاً قورت قافاسی بولونیوردی....

شیمدی دونوب دولاشوب دییه جکم که، تورک عنعنه سنی، حریتی، ماضی سنی قاریشدیرالم. بولقدلری میزدیکی بابا بچیلرک یرلینه قویالم وایکرمه تی اولانلری نه یواش یواش صاحب لینه ویرلم...

اسکی تورک بکترینک، خاقانلریک بایراقلرنده مطلقاً قورده تاند برعلامت بولنور و تپه لرنده ده. بوکوز قوللاندیقمنز آی یرینه. قورد قافاسی بولنوردی... شیمدی آرما ایچون آلمانلرک قارتالندن احوال داهامی و عنعنوی برحق ایله موجود بریوز قورد قافانز دورورکن آرتق یکی بر آرما دوشونمک بیلیم دوغرو اولورمی؟

ایلری غزته سی بو بوز قورت مسئله سنک خارجه ناصیل سوه

چالیشدین آکلامی ایچون بر اسقاندیل ماهیتنده تلق اولونارقی بالطبع رد ایدیلشدی.

مهررس معروف تجارلردن بر موسوی وطنداشمنز لده کوروشمش، دوشونجه لری صورمشدر. بوموسوی دیورکه:

— دونمه ل، یهودی ده دکلدرد. اولری یهودیک قبول ایده مزی. فرض ایدیکیز که یهودیکلری قبول ایتدک، فقط کیم تأمین ایده ییلرکه، برمدت صوکره بزم: «خایر یهودی دکلز» دییه جکاردر؟ یهودیک دونمه لکدن هرت ایدر. یهودی دونمه نک خصمیدر؛ چونکه یهودی دونمز. اسپانیاده کسبلدی، فقط دینندن دونمه دی. روسیاده چار کسیدی، بولشه ویکار کسیدی. ینه دینندن دونمه دی، دونمز. بودونمه ل، قورناز برقیله در. بزی یهودیلره هرکس: «بارای جوقی سوه دیرل» اما، اونلر طاپارلر. عبادت لری ده نه سزککنه ونه ده موسوی عبادتنه بکزمه. سزه تورک و مسلمان، بزمه ده اگر خصوصیتلشک قابل اولورسه یهودی کورونورلر. حقیقته هرایکسندن ده اوزاندردلر. باشقه، پک باشقه برقیله وهر حالده غریب برعائله درلر. «وقت»

یوکسک تحصیل قاربندر اوزر زده کی تاثیرانی

وطن غزته سنده احمد شکری پک یازیور:

«قیزل دارالفنونه کیدیورلر، استقلال محکمه سنه کیریورلر، عالم اولویورلر، دیه سویترکن برانکیز عالمی قادیلر و علم حقنده بزی سقوط خیاله دوشورده جک بعض تدقیقات و مشاهداتی نقل و حکایه ایتکده در:

هرقیز ایچون اولنک امکان، اکتساب ایتدیکی علم و معرفت نسبتنده تناقص ایدر. علوم اجتماعیه متخصصی بو قاعده ی وضع ایتدکن صوکره علم ایله زوجه لکک برآزاده کیمدیکنی سوبله یور. انکیز اورتا تدریساتک قیمت واهیتی تقدیر ایدیور وکندی قناهنجه قادیلرک تحصیل و تربیه لری بودرجه یه منحصر قالدقه اورناده نه لکه یوقدر. قیزلری زوجه ووالده اولای فرصتندن محروم ایدن یوکسک تدریسدر.

انکیز لره کوره ارککلر یوکسک تحصیل کورمش قیزلردن توحش ایتکده درلر. یوکسک تحصیل کورمش قیزلره اولور اولماز ارککی بکنیمبورلر. بناء علیه بوخصوصده کی مانع ایکی طرفلیدر.

خلاصه انکیز عالمنک قادیلر حقنده کی تدقیقاتی قیزلر مرکز دارالفنونه کیریش جیتیشلری کوردکجه قولتوقلری قبارانلرک صدرینه شفا ویرمه جک بر ماهیتده دکل...

مدرس قانونه

کیمیا کر محمد عبدالسلام پک «ایچکی مجادله سی» نامی آلتنده نشر ایتدیکی برساله ده دیورکه:

«حکومت اون بش ملیون واردات غائب ایتدی...» بیلنه بیلنه یز سوزی سوبله یور. اون بش ملیون واردات غائب ایدیورمش. ایشته آکلاشیلیمان و محتاج ایضاح مسئله بودر. اون بش ملیون لیرا وارداتک منبعی تدقیق ایدلم:

ملتیزک بی آمان دشمنی یونانیلر مملکتیمزه متاقسا قونیای کوندره جکار. هر درلو واسطه لردن استفاده ایدن غربت فوجیلرله دکل، کمی آنبارلرله اولکهمزه ایچکی یوللاهیج. بونلردن کومروک رسمی آلتیه جی. بوده سنوی اون بش ملیون لیرا راده سنده اوله جی!

ای ارباب انصاف، سزه صورارم: یوزده اون کومروک رسمی اون بش ملیون لیرا اولدینتی قبول ایدرسه ک شرف و استقلالزک دشمنی یونانیلره و دیگرلرینه